

Na temelju člana 15. i 16. Zakona o osnovnoj školi (Službene novine Srednjobosanskog kantona broj 11/01; Službene novine Srednjobosanskog kantona broj 17/04), Ministarstvo obrazovanja, nauke, mladih, kulture i sporta Srednjobosanskog kantona (u daljnjem tekstu: Ministarstvo) donosi

**IZMJENE I DOPUNE
NASTAVNOG PLANA I PROGRAMA
(OD I. DO V. RAZREDA DEVETOGODIŠNJE OSNOVNE ŠKOLE)
ZA ŠKOLE KOJE REALIZIRAJU NASTAVU NA BOSANSKOM JEZIKU**

I.

Ovim Izmjenama i dopunama Nastavnog plana i programa (od I. do V. razreda devetogodišnje osnovne škole) za škole koje realiziraju nastavu na bosanskom jeziku (Rješenje br.01-38-799/20212 od 22.6.2012.) **dopunjuje** se tačka 1. Konceptcija devetogodišnjeg osnovnog i obrazovanja i tačka 1.4.1. Programi odgojno-obrazovnog rada u osnovnoj školi, i **mijenja se** nastavni plan i programa od I. do V. razreda osnovne škole u kojima se nastavni proces realizira na bosanskom jeziku na području Srednjobosanskog kantona.

II.

Dopune Nastavnog plana i programa (od I. do V. razreda devetogodišnje osnovne škole) za škole koje realiziraju nastavu na bosanskom jeziku (u daljnjem tekstu :Kurikulum) sadržajno upotpunjuju tačku 1. Konceptcija devetogodišnjeg osnovnog obrazovanja i tačku 1.4.1. Programi odgojno-obrazovnog rada u osnovnoj školi u smislu uvođenja novih pojmovnih određenja i jasnije definiranje postojećih i to:

- **Kurikulum** predstavlja dokument kojim se definira društveni aspekt odgoja i obrazovanja. Kurikulum čine odgojni i obrazovni ciljevi i zadaci, nastavni plan, nastavni programi svih predmeta ili područja (kurikulum nastavnih predmeta), ishodi učenja, organizacijski aspekti i evaluacija.
- **Kurikulumom nastavnih predmeta (predmetni kurikulum)** određuju se svrha i ciljevi učenja i poučavanja nastavnog predmeta, struktura pojedinog predmeta u cijeloj odgojno-obrazovnoj vertikali, odgojno-obrazovni ishod i/ili sadržaji, pripadajuća razrada i opisi razina usvojenosti ishoda, učenje i poučavanje te vrednovanje u pojedinom nastavnom predmetu, te popis potrebnih kvalifikacija nastavnika (profil i stručna sprema) za izvođenje određenog predmetnog kurikuluma.
- **Nastavnim planom** određuje se oblik izvođenja kurikuluma (obavezno, izborno, fakultativno, **međupredmetno i/ili interdisciplinarno**), godišnji broj časova i njihov raspored po razredima. Nastavni plan može biti zajednički za razinu, odnosno vrstu na pojedinoj razini obrazovanja, te se može donijeti i uz kurikulum određenoga nastavnog predmeta.

III.

Izmjene Nastavnog plana i programa (od I. do V. razreda devetogodišnje osnovne škole) za škole koje realiziraju nastavu na bosanskom jeziku (u daljnjem tekstu: Kurikuluma) odnose se na preuzimanje (Ustupanje predmetnih kurikuluma -saglasnost br: 10-34-7329/25 od 16.4.2025.) i donošenje kurikuluma za:

a) Nastavne predmete:

- Kurikulum nastavnog predmeta **Bosanski jezik i književnost** za osnovnu školu
- Kurikulum nastavnog predmeta **Engleski jezik** za osnovnu školu
- Kurikulum nastavnog predmeta **Njemački jezik** osnovnu školu
- Kurikulum nastavnog predmeta **Turski jezik** za osnovnu školu
- Kurikulum nastavnog predmeta **Arapski jezik** za osnovnu školu
- Kurikulum nastavnog predmeta **Matematika** za osnovnu školu
- Kurikulum nastavnog predmeta **Moja okolina** za osnovnu školu
- Kurikulum nastavnog predmeta **Muzička kultura** za osnovnu školu
- Kurikulum nastavnog predmeta **Likovna kultura** za osnovnu školu
- Kurikulum nastavnog predmeta **Tjelesna i zdravstvena kultura** za osnovnu školu
- Kurikulum nastavnog predmeta **Priroda** za osnovnu školu
- Kurikulum nastavnog predmeta **Društvo** za osnovnu školu
- Kurikulum nastavnog predmeta **Vjeronauka** za osnovnu školu

b) Ostale oblike odgojno-obrazovnog rada:

Odjeljska zajednica

IV.

Kurikulumi nastavnih predmeta (predmetni kurikulum) iz tačke III. ovih Izmjena i dopuna sastavni su dio ovih Izmjena i dopuna i isti će biti objavljeni na web stranici Ministarstva www.mozks-ksb.ba.

V.

Ove Izmjene i dopune stupaju na snagu danom donošenja i objavit će se u Službenim novinama Srednjobosanskog kantona, a primjenjuju se od školske 2025./2026. godine.

Broj: 03-34-1107/25
Travnik, 7. 8. 2025. godine



MINISTAR

Bojan Domić